

## **Igls meis da november e december 2016 ò la suprastanza communal tracto tranter oter igls suandonts affars:**

### **Lubientschas da biagier:**

- Lubientscha da biagier a Baltermia Wasescha pertutgont la construcziun d'en pavigliun cun pergola a Savognin (parc. nr. 3198, Sot Curt, Veia Curvanera 22).
- Lubientscha da biagier alla Pendicularas Savognin SA pertutgont igl plazzar igl "Quadrin Event" dasper la staziun a val dalla soptgera a Savognin (parc. nr. 3561, Leusch).
- Lubientscha da biagier a Jeannette ed Andreas Keller pertutgont la vetrificaziun dalla lobia tar abitaziun nr. 3, Tgesa Anemona nr. 3-163 a Cunter (parc. nr. 5632, Sur Strada).
- Lubientscha da biagier a Pius ed Ursina Collet pertutgont igl sbuar la clavadeira nr. 4-83-A e construeir ena nova tgesa d'ena famiglia cun biro e garascha dopla supplementara a Riom (parc. nr. 6125, Pale Soura).
- Lubientscha da biagier a Lorenz Carisch pertutgont igl far en nov balcung ve dalla fatscheda sid dalla tgesa d'abitar nr. 4-91 a Riom (parc. nr. 6121, Cadra Soura).
- Lubientscha da biagier alla Uffer SA pertutgont la sbuada digls bietgs existents dalla lennareia a Savognin (parcelas nr. 4192 e 3186, Veia Grava 7).
- Lubientscha da biagier a Giancarlo Pitsch pertutgont igl indrez da pompa a caleira cun sondas geotermicas a Cunter (parc. nr. 5018, La Rosna/Stradung).
- Lubientscha da biagier a Mario Dedual pertutgont igl biagier anturn la tgesa d'abitar nr. 112 a Tinizong (parc. nr. 818, Gravas 22).
- Lubientscha da biagier ad Urs Gähwiler pertutgont igl far dus fanestras aint igl tetg tar l'abitaziun nr. 4 dalla tgesa da ples abitaziuns nr. 2-537 a Savognin (parc. nr. 3687, Veia Canetel 23).
- Lubientscha da biagier a Hans Sonder pertutgont igl angrondaneir la fanestra dall'acla nr. 6-163 a Salouf (parc. nr. 8864, Cre digl Lai).
- Lubientscha da biagier agl cumegn politic da Surses pertutgont la farmada da posta sen igl pass digl Gelgia (Beiva, parc. nr. 11164, Las Colonnas/Pass digl Gelgia).
- Lubientscha da biagier alla Center da Sanadad Savognin SA pertutgont la construcziun da dus tgesas per abitar cun service (ampremas abitaziuns) cun garascha sutterana e parcadis a Savognin (parc. nr. 3065, Crudela).
- Lubientscha da biagier a Valerian Signorell pertutgont la sanaziun e la midada da project davart la midada da scopo uigl nr. 9-78-A an tgesa da vacanzas a Marmorera (parc. nr. 12132, Alp Starschaigns soura).
- Lubientscha da biagier ad Anisia ed Emil Spörri pertutgont midada da project per ramplazzar ed angrondaneir lobia existents tar la tgesa d'abitar nr. 6-122 a Salouf (parc. nr. 8230, Mulegn 1).

### **Surdada da lavours:**

- Surdo las lavours da catramar la nova veia d'access concernent igl plan da quartier Badogna a Savognin alla interpresa Mettler Prader SA da Cunter/Coira e delibero igl credit basignevel persiva.
- Surdo las lavours per la revisiun parziala dalla planisaziun locala pertutgont igls spazis d'ava digl cumegn da Surses agl biro da planisaziun STW SA da Coira e delibero igl credit basignevel persiva.
- Surdo las lavours per la revisiun parziala dalla planisaziun locala pertutgont igls edifezis characteristics per igl maletg digl li digl cumegn da Surses agl biro da planisaziun Stauffer & Studach da Coira e delibero igl credit basignevel persiva.
- Surdo allas Ovras electricas digl martgea da Turitg OET/EWZ igl mandat scu cunsiglier extern an fatgs d'electricidad per l'ovra electrica Surses.

### **Ulteriours affars:**

- Delibero igl preventiv pro 2017 per mangs dalla radunanza communal.

- Decidia da surpiglier a parteir dalla staschung d'anviern 2016/17 igls costs digls abunamaints da skis pigls dus territoris da skis a Beiva e Savognin pigls giuvenils indigens anfignen 16 onns.
- Approvo l'invitaziun e la glista da tractandas per la radunanza communal digls 28 da november 2016.
- Approvo igl messadi per la radunanza communal digls 28 da november 2016.
- Decidia d'adattar igl concept da rusment a parteir digl schaner 2017. Da nov niro la deponeia a Davos Fallung a Savognin daverta supplementarmaintg er igl venderde dallas 16.00 anfignen allas 19.00. Per la dismessa digl cartung e palpieri vigl, pon interessos far ena cunvagnientscha individuala cun la posta. Igl sarvetsch dalla posta vala per tot las vischnancas cun excepziun da Savognin.
- Delibero igl protocol dalla radunanza communal digls 28 da november 2016 per mangs digl proxim cumegn.
- Desistia da piglier posiziun tar la revisiun digl "plan d'objects da militer 2017" digl uffezi per igl svilup digl territori digl Grischun.
- Inoltro mintgamai ena posiziun agl uffezi per igl svilup digl territori digl Grischun pertutgont la revisiun totala dalla planisaziun locala dalla vischnanca da Sur e chella da Beiva.

Tinizong, 09-01-2017

Suprastanza communal Surses